

Айкөркем» отбасылық бөбекжай балабақшасы

Бекітемін: 24. 10. 24.

Әдіскер: Бекиева.Л

Ашық сабақ

Тақырыбы: «Қолөнершілер қаласы. Бәйтерек»

Тәрбиеші: Базарбай.А.Қ

Тобы: Құлыншак



2025 оқу жылы

Білім беру саласы: Шығармашылық.

Оқу іс-әрекеті: Құрастыру.

Мақсаты: Балаларды трафаретке макарон өнімдерін қойып, «Бәйтерек» құрастыруды үйрету; дайын трафаретке макарон өнімін беттестіру әдісі бойынша іскерліктерін дамыту, сары түсті жылтырлақтармен безендіруде желімді пайдалану техникасын жетілдіру. Қол саусақ моторикасын дамыту. Бәйтерек жайлы бас қаланың көрнекі жерлері туралы білімдерін толықтыру. Шығармашылыққа, отансүйгіштікке тәрбиелеу.

Сөздік жұмыс.

Құрылысқа қатысты қимыл-әрекеттерді карапайым сөздер және сөз тіркестерімен сүйемелдеу қабілетін қалыптастыру. «Макарон», «бас қала», «Бәйтерек», «беттестірдім», «құрастырдым», «трафарет» сөздерімен жұмыс жасау.

Әдіс-тәсілдер: көркем сөз, ҚР әнұраны, суретпен жұмыс, үлгіні зерттеу, құрастыру амалдарын көрсету, сергіту сәті, өздік іс-әрекет, викториналық ойын «Сықырлы кітаптың тапсырмалары» дайын өнім үшін мақтау және пысықтау, рефлексия.

Үлестірмелі материалдар: бала санына байланысты үй кескіні, үйдің шатырының кескіні, терезе, есік кескіні бейнеленген қағаз, негіз болатын шаршы пішінді қағаз, қайшы және желім, ақ қағаз, түрлі-түсті бояу, су құятын ыдыс, қылқалам, қылқаламға тіреуше.

Оқу қызметінің барысы.

Гүл жайнаған астанам. Қазақстан Республикасының әнұраны.

Тәрбиеші:

- Балалар «Отан» сөзін қалай түсінесіңдер? Балалар өз жауаптарын айтады.
- Иә, Отан дегеніміз-біздің еліміз, туған жеріміз.
- Біз қай мемлекетті тұрамыз? Қазақстан
- Бас қаламыздың аты қалай?
- Иә, балалар. Астана қаласының көрнекті қандай жерлерін білесіңдер?
- Бәйтерек, Бейбітшілік және келісім сарайы, хан шатыр, Нұр Астана мешіті, Ақорда.
- Балалар, сендермен бүгін қаламыздың көрнекті ғимараттарының бірі Бәйтерек туралы сөйлесетін боламыз. Астана қаласындағы сәулет

кұрылыс кешені, сәулет өнерінің бірегей туындысы. Елорданың ең көрнекті ғимараттарының бірі. Металлдан, әйнек пен бетоннан жасалған бұл «терек» сәулеттік мағынасы жағынан да, жасалу жағынан да бірегей: биіктігі 105 метрлік металл құрамасынан, салмағы 1000 тоннадан жоғары бес жүзге жуық каладан тұрады. Есіл өзенінің сол жағалауында бой көтерген бәйтерек, күннің түсуіне қарай шар өзінің түсін өзгертеді екен. Бәйтерек нысаны үш бөліктен тұрады: жер асты бөлігі ұлттың тамыр жаюы, ал одан кейінгілері өркендеу кезеңдерінің нышандарын білдіреді. Ең жоғарғы жағында «Аялы алақан» композициясы орын тепкен.

Үлгіні зерттеу.

- Балалар не көріп тұрсындар?
- Бәйтерек неден жасалған?
- Макароннан.
- Бәйтеректі құрастыру үшін бізге Бәйтеректің трафереті, макарон өнімдері, сары түсті жылтырлақ, қылқалам, желім қажет. Бірінші бәйтеректің суретін аламын, желіммен жабыстырмас бұрын, макарондарды трафереттің үстіне беттестіріп қоямын. Кейін төменнен жоғары қарай желімнің көмегімен макарон өнімдерін тігінен қойып жабыстырамын. Толықтай макаронды жабыстырып болғаннан кейін. Бәйтеректі бояймыз.
- Бәйтеректі қандай түспен боясақ екен?

Тәрбиеші түнгі уақыттағы Бәйтеректі көрсетеді.

- Балалар, кешкі уақытта Бәйтерек осылай жанады. Қандай түс болып жанып тұр?
- Ашық көк
- Ендеше, Бәйтеректің төменгі жағын ашық көк түспен бояуды ұсынамын.

Балалармен жұмыс. Балалар өзіндік әс-әрекетке көшеді. Өзіндік әс-әрекет барысында Тәрбиеші бағыт-бағдар беріп отырады.

Сергіту сәті. «Өз еркімен билеу»

Аскар Жайлаубаевтың «Астана» атты әні қосылады. Балалар сергіп билеп алады.

Викториналық ойын: «Сиқырлы кітап тапсырмалары»

Тәрбиеші балаларға топқа «Сиқырлы кітаптың» келгенін айтады.

- Балалар, сиқырлы кітап бізге құр қол келмепті. Оның бізге арналған тапсырмалары бар. Бірінші тапсырмасы «керісінше» деп аталады. Балаларға сөз айтады, ал балалар сол сөздердің антонимдерін айту керек. Мысалы, алыс-жақын, жоғары-төмен, ұзын-қысқа, үлкен-кішкентай, арық-толық, жер-көк, от-су т.б
- Кітаптың келесі тапсырмасы «Жәндіктерді ата». Балалар педагогтің айтқан әріптерінен басталатынын жәндіктердің атауын айту керек. Мысалы, «Қ»-қаңқыз, құрт, құмырсқа, қоңыз, қызыл қоңыз.

Қорытынды.

- Балалар, біз бүгінгі оқу қызметімізде қандай тақырыпта сөйлестік?
- Отан туралы
- Балалар, «Отан» сөзін қалай түсінесіңдер? «балалар өз жауаптарын айтады»
- Иә, Отан дегеніміз-біздің еліміз, туған жеріміз.
- Біз қай мемлекетте тұрамыз? Астанамыз қай қала? Астана қаласының қандай көректі жерлерін білесіңдер?
- Бүгін біз не істедік? «Макарон өнімінен Бәйтерек құрастырдық»
- Жақсы, жарайсыңдар.

Мәктау. Марапаттау.



